

潛

研

堂

詩

集

潛研堂詩集

嘉定錢大昕

奉 命典試湖南出都宿良鄉縣有作

五千里路賦南征六月都亭擁傳行桃李滿蹊教手植
冰淵一念久心盟長風欲渡江河漢壯觀全收冀豫荆
回首春明猶未遠試拈詩筆紀初程

四年五度此停驂玉尺重持祇自慚

已丑七月典試山東庚辰二月及今

年五月恭迎

大駕辛巳二月扈

五臺山皆宿良鄉此次過此計五度矣

漸識途於老

馬智偶畱跡侶印泥參迎風窄堵金鈴語過雨懸顚翠
黛含應笑勞勞車騎客軟紅十丈點朝簪

宏恩寺

侵晨投豆店，便道訪桑門。排闥羣峯入，當街襍樹繁。

王猶守律

寺僧係律門與華山同宗

慈氏不言恩，強與安名字。誰將

公案論

督亢陂

督亢膏腴迹已荒，攜圖當日入咸陽。千金枉購夫人劍，不及無且一藥囊。

道中卽事

經月愁霖雲霧迷，怪來三伏冷淒淒。回風撼樹全疑雨，積水平塍半似谿。古道已看濡馬腹，淺渚何止沒牛蹏。

肩輿縱比徒行穩怕聽禽言滑滑泥

雨宿定興

三椽客舍小于舟淅淅瀟瀟響不休
恰似故園梅雨後孤篷聽雨泊沙頭

北方盛夏常憂旱惟有今年苦雨連
官路水濺二三尺居民入市欲乘船

輿丁

陸行不通車水行不可船泥濘數里閒
行旅歎屯遭王事有程期豈敢或遷延
夙咎恣鞍馬而況淖在前籃輿昇丁夫
跣足徒涉僂夾輿以四丁扶持防蹶顛
牽輓蟻

潛研堂詩集

卷六

二

緣附參差魚貫聯
遐躡後人足進拍前者肩
踏土仍踏浪腳底懸渦旋
所得纔分寸其難乃萬千
嗟爾亦人子詎不知自憐
不惜胼胝苦終朝博百錢
勞人以奉己我慚紅兩顙
前途可安行且莫歌局蹐

曲逆詠古

六奇孺子擅陰謀
曲逆名城萬戶酬
阿世取容終王呂
因人成事竟安劉
白登圍解輸奇繪
雲夢弓藏痛僞游
當日高皇數三傑
運籌元只說留侯

定州道中

形勝居然控趙燕
中山故國暫停鞭
行來明月清風店

恰稱輕雲細雨天楊柳青濃圍近郭黍麻綠潤長平田
太行西北遙環擁千里蒼茫一氣連

雪浪石和東坡韻

韓幹散馬雲錦屯
蟠價未若海石尊
古來文人例愛石
摩挲一日忘昕昏
翠春園中春最好
水木彷彿江南邨
誰移石丈此中貯
一拳突兀當松門
咫尺僂佺千里勢
天吳蹴踏光魂魄
只疑靈洞通水府
故遣白浪飛山樅
天工遊戲自奇絕
嵌空不費雕鐫痕
神物欲下襄陽拜
絕品宜與奇章論
文登彈渦石安在
當年曾養菖蒲盆
大千世界恒沙劫
俛仰陳迹感慨存

眞定

河朔雄藩自晉間南連趙魏北燕雲風聲勁挾淖沱響
山色青從恒嶽分宏正有靈應俎豆寶臣何物紀功勲
廟堂姑息無長策往事空悲成德軍

登隆興寺大悲閣周覽隋宋元碑刻晚宿雨花
堂對月得詩七首

飛檐縹緲敞三層乾德規模記晉曾始信護持龍象力

千年傑構尙峻嶒

隆興寺鑄金菩薩像并蓋大悲閣序乾德元年僧惠演撰

白豪妹相頂光圓間說金塗七度全遇宋卽興遺識在
荒唐且任老僧傳

周顯德中毀佛像鑄錢像中有文云遇顯卽毀遇宋卽興見僧惠演所撰

序

開皇龍藏護瑤函奕奕鉤鈎妙蹟錢彈指周齊經幾刻
參軍猶署舊頭銜

長明鐙向佛前吹分付官錢幾貫支閏月上旬當恹辭

傳宣中旨出嘉禧

元長明鐙錢記延祐五年僧永恩書文云開正月初口日拜住恹辭第一

日嘉禧殿裏有時分欽奉聖旨云云

承旨書家奉楷楫膽巴遺跡久榛蕪惟餘本命長生碣

畱在西廊少榻摹

元聖主本命長生祝延碑王思廉文趙孟頫書并篆額今在閣前西廊寺

舊有帝師膽巴碑亦趙書今無存

冰山一霎傻全傾玉券空鐫上輔名牘有孤嫠逢愍思

潛研堂詩集

卷六

四

施錢地下懺長生

秦王夫人施長生錢記至正十四年王訪撰素王夫人者伯顏之妻松烈

真氏也

輜車幾日太匆忙一宿安眠青豆房多謝雨花堂外月
照人心地亦清涼

望華塔寺

華塔同登最上頭重來清淚落西州金光紺碧依然在
忍向城南續舊游

本年三月與介少宗伯同登是塔今公已下世

戲題趙州茶棚

宗門語錄太紛拏直下鉗鎚是他家公案古今難勘破

鎮州蘿蔔趙州茶

柏鄉謁漢光武廟

白水出真人天符赤伏陳一成仍祀夏三戶果亾秦決
戰昆陽日膺圖部邑辰雄才珍羣盜大度保功臣豁達
高皇匹精勤宣席倫嚴陵星佗客南頓號稱親卜洛規
構正崇儒教化淳祚延十二世頌溫卅三春小縣祠猶
古荒臺跡未湮石人傳誕妄

有碑大書光武斬石人處

麥飯話艱辛

樹老神鴟宿梁空乳燕賓冕旒紛夾侍想見帝王真

謁圓津庵用壁間梁棠邨胡南菖湯西厓諸公
倡和元韻

名流題詠想當年興寄長松怪石邊無策破閒師覓句

有方療俗是譚禪古藤侶慢低延月曲沼如珪冷浸天
燕楚往還經萬里飛鴻畱爪亦前緣

鄴中詠古

銅雀臺空霸業陳分香遺令劇酸辛纍纍疑塚都相侶
愁絕西陵泣望人

南皮公譙興何如雲散風流十載餘少壯人眞須努力
至今猶寶偉長書

井蛙何事逞雄心一柱橋頭朽骨沈記否三臺功就日
殿中棘子已成林

專征景畧樹奇功瞥睨魚羊事業空太史浪占星得歲

雌雄飛早入秦宮

孝穆當年奉使還
評量文雅薄衰孱
中原文物知多少
心折韓陵片石閒

青雀飛來羽翼垂
河邊殺辦那能羈
內家相對空揮淚
玉體殷勤黃髮期

殿上紛紛供御囚
癡癡國是十年休
風流宰相楊遵彥
只與君王進厠籌

白頭臨陣被犀渠
投袂勤王葛誕如
可惜關西好男子
老爲晉六茹驅除

苦熱

青蠅結隊故飛飛
火繖炎官又他威
暑已失時猶張王
二字俱秋方當令尙依韋
曉風稍稍涼
侵袂午日騰騰
汗透衣空羨蘇門高隱者
適然鸞鳳共忘機

自鄭州入新鄭道中作

百里陂陀路連岡
往復皆雙厓
堅侶鐵一線
旋如蝸土
硬全疑石沙
回忽有階坡
翁烏帽句寫景妙難儕
東坡鄭州道中詩登高回首坡隴隔惟見烏帽出復漫二句寫景宛然

讀左氏傳

從政威不猛
五美之大端
云何尙火烈
以民爲艸菅
國僑晉治鄭
眾母鞠育
殫遺麥長在人
清淚尼父潛救世

鑄刑書要豈如申韓易竇告太叔猛易而寬難此言失
持平固顧理所安將毋操礲于傳會非真傳政寬則得
眾我思魯論言

過許州追悼亡友周西陳刺史

三載金臺別袂分繆爲恭敬意殷勤今朝真到繇城路

不見風流舊使君

已卯夏西陳之許州任過予寓齋話別且言待子典試兩湖過許某當負

驚前驅目

文章博洽世無雙手昔官齋榜古幢怡悵堂成人已逝

蛛絲空罥讀書窗

西陳到許後貽書言近移唐咸通石幢一後梁貞明石幢一于驛中築小

室貯之顏曰古幢書屋

潛研堂詩集卷六

七

讀史縱橫貫弗功
眼光如月破羣蒙
和林舊事編成後

更與何人質異同

予近改修元史

夜臺寂算竟何如
落月空梁夢見虛
不用中郎求貌侶
手痕細認隔年書

望中嶽

西來紫氣鬱千盤
天外諸峯馬上看
石關遺文畱漢篆
金泥絕頂表唐壇
星辰捫歷三霄近
松柏陰森六月寒
五嶽壯游初志在
何時扶屐到層巒

許昌詠古

識書曾記代塗高
艸艸移都計枉勞
國是卅年禾絹諾

姦雄一手太阿操樓桑未遂中興漢石馬俄成大討曹
休詫牀頭捉刀者軍司狼顧亦人豪

中興之中讀平
聲唐人已言之

邨行

幾日輕陰暑漸銷孤邨稍喜避塵囂秋梁已穗空刪葉
晚豆將花亟護苗細細菱絲浮水面纍纍瓜蔓挂牆腰
雨餘準備前途滑伐柳填薪當小橋

眞羨寬鄉一老農久無冰炭在心胸妻工舉日調鉛拙
兒解耕田識字慵食指動來炊飯熟衰顏開處濁醪濃
平生不省公卿貴世守頭銜賣菜傭

聞蟬

眞令俗目得鍼砭
凌汝迎涼不附爰
曉月一聲楊柳店
午陰百過綠槐檐
身輕自覺能離垢
飲少從知未礙廉
莫信忘機假無患
螳螂張臂亦何嫌

雨宿蔡寨邨舍

爲避淋頭雨
聊求蓋頂茅
泥淅愁滑滑
雞唱聽膠膠
野老能供饌
山僧暫打包
淹留隨處好
恐類伏波嘲

田家

岐路忽三义
居民四五家
人行茅屋罅
犬吠枳籬斜
拗項壺盧架
長身巨勝花
故園宛在眼
南望白雲遐

雨止

天改雲容澹人欣雨腳停依依遠邨外忽有數峯青

曉行

揮策太匆匆邨原極望同樹枯時帶瘦山好不嫌重紫
蓼秋腴雨青帘曉市風輕涼適吾體渾忘客途中

與王惺園修撰對弈

曹騰長困日如年暫賭楸枰當晝眠眞訝觸蠻分敵國
幾曾虞芮讓閒田到頭才悔全軍蹙得手徒爭一著先
白鶴觀中成例在從來勝敗總欣然

確山道中

眺望翠峻嶒今朝度幾層連岡肥少骨仄徑曲如肱紅

倚谿頭蓼青垂屋角藤童兒纔五尺驅犢上高塍

渡淮

我昔北游過清口兩瀆交匯趨雲梯獨清安能救眾濁
浪湧半挾沙與泥今朝乘輅義陽郡遙望桐柏明秋霓
長台關外尋古渡輕舸撇波如鳬鷺粼粼白石照見底
輕風吹皺青玻璃連峯屈曲自回抱一條玉帶垂腰圍
南來計程三千近經涉潯沱漳洛淇渡河以後惟汝潁
終類邾莒朝魯齊當年神禹奠四瀆各以巨海爲會歸
河伯雖欲鵠巢占勢不肯下猶相持壯觀先後落吾手
所惜沈湮故道迷高興竟馳大別頂坐看江漢萬里朝

宗時

山行

了無牽碍礙人行起伏高低路總平可是山靈多蘊藉
不將圭角露崢嶸

林於萬个桺千行木槿編籬墀石牆高地棉花窪地稻
不知身住在它鄉

自信陽入平靖關

宛轉雲盤匝崢嶸冥阨關千重包汴洛一綫劃荆蠻要
害思防戍登臨忘險艱四圍蒼潤意全改北條山

勢逼疑中斷途窮忽有梯祇尋山脈絡不辨景東西倏

覺升天易終憂入窻低回頭來處路恍惚已難稽
紫翠繞重重橫岡夏側峯樹藏山面目雨拓水心胸花
艸都含秀陰晴叵改容此中多隙地安穩讓三農
水向山頭引人從屋上耕腰鎌收稻出背笠跨牛行籬
偕新栽槿扉編舊種荊雙河衣帶侶石罇弄琴箏
池沼天然滙曾無斧鑿痕三時魚價賤七月藕花餘風
定波猶急沙激水不渾在山清徹底難向外人論
夙抱看山癖曾無濟勝資此行天假便卻喜境多奇氣
厚蒸雲霧姿妍薄粉脂後來須刮目記我首顚詩

七夕宿平靖閣

七夕今朝是窮關風雨秋祇依山作嶂不見月如鉤兒
女團團節征去寂算愁艸花籬外放也自號牽牛

自應山人安陸縣

百里孤城倚翠峰揮鞭南望翠猶濃地靈未肯趨平行
山意居然陷復重絕磴千回牛旋磨危蹊一綫蟻盤封
後岡欲斷前岡合登頓翻添客興慵

控扼申光襄漢閒北來歷盡幾重關湖波演漾雲連數
嵐氣空濛陪尾山背郭千家黃稌熟沿邨萬个綠筠環
征人日暝剛投宿細數昏鴉接翅還

雲夢縣

地湖西陵舊宮傳雲夢遺人煙低遠市秋意入疏籬
綠黃香冢苔封伍員祠圖經尋往蹟歷歷寄懷思

行連岡閣卽目

低岡如伏牛直上踏脊脊曲折隨地勢向背迷處所上
坡復下坡時見風帽舉日夕少人行斜陽亂鴉語

詠道中所見艸木

楊柳性易活道傍鬱婆娑一一懸官牌手栽數不訛行
旅苦煩囑小立清風過誰云無才思庇蔭亦已多前時
河水湓濁浪驕龍鼉斫伐千萬株猶足支積波豫章號
良材十年始佗科迂闊好大言收功竟如何

樗木生不材匠石棄弗視栽之官路旁蔥蔚亦可喜云
何冒椿名附會罔知恥枝葉偶相若臭味詎能侶人言
樗易長舍彼寧取此嗟哉逐臭夫亟去洗我耳樗木俗名臭椿
孟秋天始涼下隰見紅蓼花繖帶露斜身弱得風早疏
籬淺水閒娟娟秀而好相抵非堅牢顏色能自保騷人
倘回顧終覺異凡艸

木槿日及花晝榮夕輒悴莊生論小年蜉蝣蟪蛄類道
旁見一枝妖紅可人意未登君子堂俛仰籬下寄壽命
旦暮閒猶以色取媚嚙爾亦何知我言責太備

瓜壺皆蔓生莖葉頗相同秋來結實好纍纍懸屋東剖

瓜如蜜甜爭噉喧兒童生冷忌食多恐致腹疾攻壺盧
雖寡味佩之當藥籠中流偶失船坐收千金功徒以甘
苦論鄙哉田舍翁

浮萍生無蒂隨波忽近遠風來半汀失雨過一池滿飄
泊狂瀾中葉葉獨安穩眾芳憂淹溺乃以智自遷推移
不凝滯于我元無損不見長樂翁五朝被公衮

讀詩識芣苢采采向中田雨後綠葉肥結穗垂馬鞭物
微人所棄不堪充豆籩本艸幸見收弗以下品捐小試
輒有效果使結轡痊用之苟得立功豈下參連乃知醫
國手廣蓄所當先

小艸澹巴菰得名蓋未久移栽始聞嶠近乃處處有烈日炙葉乾黃絲細如絛筠筒煙一縷相習以口受肺腑非鐵石火攻奚可狃奈何今時人嗜此不吝手磨財費妨功濫觴起誰某安得拔其根厄茜種千畝

武昌

驚濤卷雪壓城低九派江流迹已迷三楚飄檣風上下萬家煙火水東西山圍大別單椒峙洲擁金沙碧艸萋遙指僊人騎鶴地危樓終古切雲霓

秋花

蝴蝶紅房坼牽牛紫萼攢偶依籬角住也受露華團天

意憐秋艸人情感歲闌穠芳難耐久珍重及時看

邨中記所見

小小茅簷曲曲籬牆敲師僧石頭搗日高編箔烘煙葉
雨歇攜耒打豆萁香稻已催千頃割殘荷猶見一枝垂
由來氣候山中別試補幽風七月詩

萬松岡 有序

七月十七日入咸寧縣行山岡閒夾道皆長松
官爲編號懸牌于樹記其生枯之數遙望小松
布滿崖谷其多如薺數十里中青蔥不斷山故
無名予目之曰萬松岡詩以紀之

虬枝引路百尋強五粒新柯密佗行說與它時編地志
嘉名合喚萬松岡

連岡登頓不嫌疲爲愛清標瘦更奇頗勝湛然老居士
低頭下拜萬松師

蒲圻山行

我家東海上百里不見山偶然平地覆一簣便已自號
岡與巒茲來山行已五日置身長在煙雲間橫峯側嶺
各秀絕如眉如髻如玦環如龍掉尾牛奮角神龜縮頸
長蛇蟠濤聲十里松子落楓葉未老青猶攢恍忽置我
山陰道應接不暇目力艱寸岑倘可移吾里壓倒虎邱

裏馬鞍高人偃蹇耽標榜名字那肯畱塵寰區區河伯
傲海若夜郎自大呼可歎

高嶺舖

一徑入煙霞危崖赤似砂石奇蹲巨豕路曲縮長蛇揅
釜宵煨芋提筐午提花邨居無面勢茅屋數家斜

口占

萬疊雲嵐有路通一峯不與一峯同松篁夾道如迎送
人在秋山紫翠中

湛湛江楓葉未丹相逢有約算盟寒重來記取淡秋後
烘染殷紅待我看

潛研堂詩集卷六

門人黃鍾校字

潛研堂詩集卷七

嘉定錢大昕

宿萬年庵用壁閒吳文格韻

庵有董思白書
歇心處三大字

琴筑鳴幽澗聽來不厭喧
鐘磬和月遠木葉受風翻
與曠疑天設清涼卽佛恩
安心何日竟我欲問桑門

將抵巴陵

入山八九日山意漸闌珊
螺髻經千墨羊腸剩幾盤
泉聲無雨縮蟲響入秋寒
遙望煙邨外漁舟閣淺灘
戴星忙結束卓午僂消停
樹影窗中速碁聲枕上聽
有情花展靨無事鳥梳翎
此太巴陵近煙波渺洞庭

岳陽樓

傑閣出城墉驚濤日夜舂地吞八百里雲浸兩三峯已
極登臨目眞開浩蕩胸不因承簡命那優壯游逢

曉行

爲避風波就陸行潏潏卻凌聽谿聲楚南不比黔南險
也覺途無三里平

沙岡凹凸不成山也有煙嵐四面環遙見人家村落近
青螺出沒短牆閒

長沙

行盡官郵兩月程崇城百雉儼崢嶸雲開嶽麓千尋碧

秋霽湘江一鏡明，礪砥砮丹仍土貢。
火耕水耨樂邨氓，笑它遷客憂泉濕。
每日登樓玩晚晴。

賈太傅宅

石牀柑樹跡云徂，故宅猶傳賈大夫。
世已治安偏上策，賢如絳灌尙嫌儒。
洛陽太守封章薦，宣室君王禮數殊。
如此遭逢良不薄，未應問鵬寄揶揄。

柬長沙張慧川明府

獻紵論交十載前，滄浪亭畔話纏綿。
訪秋圓渚宵連榻，過夏長安午擘箋。
管領風騷名下士，平章山水吏中僊。
停車傍聽輿人頌，三異中牟萬口傳。

昨歲燕臺我送君
今朝握手楚江濱
折麻不待衡門鴈
卷幔同看夢澤雲
泉性出山仍峻潔
蘭言入座益清芬
宦游我侶文園倦
慚媿臨邛恭敬勤

屈賈二大夫祠

太公國憂君志未伸
千秋席食共湘濱
吉占枉向靈氛卜
痛哭誰憐年少人
呵壁問天空佗係
沈書弔古寄酸辛
算言宣室虛前席
也勝招魂七澤辰

中秋試院對月

萬里清光一樣圓
重簾淡靜夜忘眠
箏琶俗調休來耳
冰雪高文若有緣
射策諸生夔穉燭
鎖闥同事鬪蠻牋

明珠魚目由來混恐負 天家鐵網懸

試院示同事諸公

杞梓丹沙眼底收評量甲乙費窮搜劒埋地下猶沖斗
錐處囊中自出頭從古文章無定論由來場屋困名流
風檐甘苦皆親歷珍重諸公子細求

五色迷離信有之隔簾幼婦認妍媸須求神駿驅黃骨
漫賞鮮新桃李姿腕底生枯憑畫筆眼前勝負賭園基
當場勒帛休輕下此是青衫淚濕時

楚南士子場後以試文謁學使吳雲巖前輩雲
巖決其必售者五人曰丁牲丁正心張德安石

鴻臚陳聖清比揭曉則五人皆中式而五魁之中得其四焉楚人傳以爲盛事雲巖有詩因和其韻

一一春蠶食葉聲善鳴此日果先鳴鑄顏蚤識心良苦說項方知眼獨明僞體別裁當代望愛才如命古人情三年手植多桃李分刊無私玉尺平

吳雲巖學使訂于重九日載酒嶽麓登高兼訪山長劉孟調前輩以風雨不果往次日孟調以詩見寄次韻奉荅

擬訪皋比嶽麓陽道鄉遺跡未全荒一宵秋雨回征櫂

幾疊青螺掩翠妝。問字相從綠恨淺。看山有約興空狂。
臥游只合師宗炳。欲偕冰絃四座張。

嘲道旁楓樹

秋光九十去侵尋。樹樹山楓尙綠陰。枉費詩人盟息壤。
不知叵信在霜林。

代楓樹答

何心火迫染臙脂。遺世方成絕代姿。可笑鴈臣歸太蚤。
不曾畱待葉紅時。

予旣作詩代楓樹解嘲。次日山行楓林有數株
先紅者。復成是什。

片片秋容獨自矜一宵霜後暈潮凝不欺然諾從來少
數本真成耐久朋

重過武昌

黃鶴磯前水抱樓金沙洲外荻花愁燕吳南北俱迢遞
兩地離情入暮秋

登黃鶴樓懷翁覃谿中允彭六一編修

二公典試湖北

榜人催欲渡小泊爲登樓奇觀詎容失高秋師此游空
濛雲外岫浩蕩水中鷗信美非吾土凭欄亦少留

城以依山壯樓因得地奇塔仍元代勦聚說古僊遺

樓前

有勝像寶塔題云大元至正威順王太子建後
寫僊素亭有棗一本枯而未朽云僊人所植

紫蟹秋

來味丹楓霜後姿登高羨星使來趁菊花期

湖北當事
例于重九

日置酒樓上
延主司登高

田家

霜落秋原萬木衰蕭蕭亂葉逐輕颺漁舟小泊丹楓裏
邨酒初篘黃菊時老屋旋蝸催墜戶新畬驅犢蚤翻犁
官租足了身無事鎧火團團婦孺嬉

德安道中

一徑穿山頂人來樹杪行輿丁防足滑擔僕苦肩頽楓
柏天然畫原田局上枰三關遙在望翠巘倚雲橫

楊忠烈公

漣祠

茄花委鬼日猖披想見張髯瞋目時倉猝移宮關大計
慨慷伏闕進危詞姓名空冠東林籍魂魄誰招鎮撫司
齒冷三朝修要典南牙宰相北牙兒

入平靖關

曉看紫翠畫圖明不信身從畫裏行谿水一灣分向背
山雲片刻改陰晴盤旋石磴重關峻曠蕩秋原古木平
屈指歸程垂及半幾回清夢到神京

信陽

淮水淺可涉楚雲望已微日斜棲鳥樹人語釣魚磯伐
木家燒炭衰縣客製衣往還經兩度逝景迅騷騑

確山

朝辭明港驛夕秣朗陵芻風力冬來壯山容寒到枯櫺
慘悲落葉蒼莽眺平蕪此去中原近官郵總坦途

曉行口占

山行五日僕云痛歷徧嶽寄得坦途底識主人賦平行
幾番回望翠模糊

遂平

葢爾吳房邑猶傳夫槩封隱成淮蔡蔽直達汴河衝納
稼先完賦于茅計禦冬邨氓閒最樂擊壤話高春

鄆城

古召陵地韓退之平淮西
碑勝之召陵鄆城來降

楚使盟書地淮西戰紀勳激波潁陽月古驛召陵雲老
樹全成禿饑鳥侶喚羣蒼涼荒艸路誰弔太邱墳

臨潁

小邑停征旆高歌倒酒杯苔皴鍾傳字艸漫馬融臺禪
漢詞多詆依梁事可哀千秋傳潁谷純孝輓風積

鄭子產祠 新鄭

東里有祠堂與人誦不忘救時羊舌誚授政子皮良製
錦成非易操刀割恐傷墓門遙在望心折杜當陽

鄭州道中

山如禿赭樹如髡風緊雲凝漲霧昏算道冬來生意少

青青宿麥徧寒原

渡河

古渡尋榮澤遙山辨太行
落槽中涵緩解纜一驅張微
綠千畦麥淡黃萬樹楊回思
前濟日彈指改炎涼

曉行口占

日出煙消見遠邨嵐光依約是蘇門
天容山色看無別
只認遙空抹一痕

最愛寒山面目眞鉛華洗盡見精神
天然古澹仍堅瘦
比侶欽寄磊落人

湯陰

美水流城北淇泉屈邑東霜清僧寺磬樹老古原風故
里堯君素荒墳嵇侍中金牌三字獄千載泣英雄

韓魏公祠

宋家賢宰輔屈指首韓公將相三朝寄安危一體同黃
花堅晚節霖雨斂神功潭水有時涸此祠終古崇

渡潭水

水道三冬縮輿梁十月成荒雞催夢短瘦馬踏霜行趁
蚤僮偏嬾衝寒酒易傾畿南今日到遙指滄陽城

晚抵邯鄲

邢趙山川指顧閒太行千里勢回環寒雲北入邯鄲道

落日西銜車騎關倦鳥梳翎將就宿疲牛脫輓自知還
往來驛吏多相識塵流征衫幾許斑

食客行

平原豪俠如信陵傾財結客坐上盈錐處囊中相奇士
三年不識毛先生騏驥千里由來寡戀棧甘心託廢下
蚤知碌碌皆公等悔殺美人謝蹇者雞鳴狗盜脫孟嘗
不如世有市義良三千珠履從春申不如世有無望人
翩翩濁世誰最優觀君玉貌皆有求君不見千金上壽
天下士拂衣徑去魯連子

沙河道中

霜落山無色沙溪艸不生一河岐兩派五雉見孤城文
筆顏開國功名宋廣平梅花亭外月十里送人行

定州道中

寂歷荒寒古渡頭空林敗葉落颼颼何人領畧蕭森意
明月清風過定州

昭陵繭紙久無存響榻臨撫互攷論肥瘦紛紛辨眞贋
空依定武佗兒孫

雪浪齋中秀色參松醪自釀最清甘八州佗督如春夢
又見孤臣到海南

晚行清苑城外見月

十月十五日

朝辭郭隗里夕宿徐河涯明月大如鏡照見人鬚眉空
林葉盡脫了不蔽清暉微風動枝柯水中荇藻披一颿
風利過乃是人影移誰言霜月苦玩之獨忘疲山家多
畏寒未暇領此奇行者日有午有景無人知寓意不畱
意適爾與吾期瞥眼恐易失援筆爲賦之

自我出國門五見明月圓鎮陽禮大佛虛堂可譚禪武

昌東湖驛園基夜忘眠中秋在試院官燭三條燃歸來

宿岳陽鏡面天水連

六月十五宿眞定隆興寺七月十五宿東湖驛八月十五在試院九

月十五宿岳州岳陽樓

今夕復何夕清光益澈鮮地以南北異節

亦溫涼遷惟有如珪月長此清淨綠過太及見在未來

亦復然大潔性所抱有恒德斯全莫嫌霜華冷悟茲忘
言詮

寄楚南諸同好

乘傳曾游七澤濱三秋氣候侶春分曉山出霧皆成浪
晚樹和煙半作雲引路松櫟存古幹涉江蘭茝有奇芬
舉頭嶽麓遙相望恨未摩挲北海文

冠蓋追陪恰四旬芝蘭臭味倍情親舊游回首譚三泖

慧川刺史相過
輒譚淞江之游

古碣畱心訪九真

清泉明府江君蕉畦
以手揚吳九真太守

谷府君
碑見贈

太守風流懷鄭監

寶慶守鄭
君東里

文壇派別說吳均

學使吳雲
懷前輩

清風店上重相憶落月依稀入夢頻

還京述懷

樓指星輶半載期
楚雲燕樹兩相思
幾回夢憶金鑾直
兩度恩叨玉尺持
湘浦秋風催驛騎
廬溝寒月照鞭絲
歸裝檢點羸前度
篋裏新排一卷詩

江明府于九拓石鼓山劉莘老題名見貽并索詩

江侯昆弟古與稽
同游石鼓窮西谿
二分垂足百尺梯
徧拓唐宋元人蹟
千里緘致費赫蹏
忠肅畱識尙未翳
廣韻鳥奚切軒如老鶴立
羣雞熙寧新訟算
泰圭抗論十害遭
排擠監倉公
暇兩子攜振衣
扶屐來攀躋
九字疲勁

懸虹霓

顯云劉摯莘老來游跋隨侍凡九字右方顯云

拭舊顯

不任感愴寶祐二

年秋九月

旦凡三十三字誰與譏口貝錦縷父歿不葬

肆慢懼

廣韻郎奚切拜罷錄元祐六年言者論摯父

家庶記以辨

文孫持節腰玉犀三改甲子跡未迷拂拭

當時之冤

文孫持節腰玉犀三改甲子跡未迷拂拭

遺刻心愴悽孫以祖重名不漸維公忠義爲杞柢偶然

飛鴻印雪泥重之乃與埴琨齊人貴自立非虛兮

顯袁蕙纓孝廉南湖艸堂圖

湖光一輪鏡面揩四圍遠山眉黛佳誰與寄賢營茅齋

松毛覆檐苔漫階軸簾終日扉掩柴仰屋著書萬卷排

不妨土木爲形骸有時乘興上翠厓白攜藤杖青履鞋

蒼茫高詠金石諧澳門別駕

謂張雲
樹同知

同調偕相於唱和

投詩牌力返正始芟淫哇扁舟過訪泊水涯由來臭味
無參差不知主客相忘皆多君嗜好與俗乖泉石之癖
如宿疾偶游京洛行六街征衫曾不浣塵霾頭君畫卷
手屢以敬亭雲氣滿我懷

擇石宮庶庭前叢菊盛開招諸公同飲賦詩竝
作墨菊長卷出以見示并屬題

小庭才半畝點綴頗不俗春華詎非佳獨愛秋英菊黃
白閒緋紫淺淡各有族不用瓦盆不用架縛竹所貴
全其天自然無拘束主人供寫生不寫形寫神淋漓潑

墨汁下筆清而淳百四十餘朶朶皆鮮新
裴堂風牡丹凡品何足珍眞花元入畫
畫花直偪眞相與圖主客洗盡京洛塵
幾日不相見坐失此良會卷後許題詩
附庸收自鄮追冬花事歇掩關且寒兌
日手畫圖看已勝雅集再

送吳二匏舍人南還

一葉梧桐始報秋潞河東下趁輕舟
歸程十里嚴陵瀨紅蓼西風古渡頭

薇垣詩格數吳均歸興秋風戀紫莼
閒煞青綾舊時被對花題詠復何人

手版支頤爽氣來家山大好足徘徊天都面面光明海
此太休教空手回

凌寒雨到夙齊名姜被今年又合并不羨春明聽漏夜
對牀風雨夏分明

五塔寺

卓立金剛座巍然五塔崇猶傳印度式匪假育王功分
影光明月搖鈴縹緲風石闌終古在不壞是眞空

萬壽寺

宏麗仁王寺經營萬歷年飛來奇石簇藏弄漢經全董
役傳常侍延釐說九蓮一鐘移兩度彈指悟因緣

明永樂中

命姚恭靖監造鑄大鐘重八萬七千斤藏大內萬曆丁未建寺移置于此國朝雍正中復移鐘于德勝門外之覺生寺

昌運宮

香火前朝院天風戛玉笙門開青嶂對人蔭白松行亭

覆康陵敕

碑亭二其一刻正德五年六年敕諭兩道

苔封內監塋

宮為正德中司禮太

監張永所建賜額混元靈應宮永墓在其後

客來譚往事差覺勝元明

劉瑾建大

德元明宮在朝陽門外遺址今無攷

雙林寺

可怖修羅相無遮演揲兒祇林誰咎構像設至今貽洞

失明陽跡碑畱媚竈詞

碑稱寺後築上石為山有明陽洞左臺右榭今皆廢毀碑中稱

馮保曰 隔牆半畝地片瓦拾沙彌寺東爲興教寺明景泰中司設太監王助
恩公 所建香火院以奉梵僧
者今已鞠爲茂艸矣

哭吳雲巖侍讀

隔夕仍同醉今朝遽哭君只疑凶問誤難制淚珠紛朝
露晞何速愁雲黯算分受恩三楚士誰佗大招文

題韋鐵夫授經圖遺照

先生扶陽之苗裔漢唐以來稱德門詞章雕蟲哂小技
枕蓆六藝培本根廿年寒瓊冰雪擁打頭屋小如祇園
諸生執業競問難辨舌欲擬懸河翻胃中空蘊經世略
手無斧柯誰與論側聞秉鐸泗州日咨詢疾苦行荒邨

州城久漫洪澤水民田大半居魚鼃何人奏報水已涸
廬井非故租額存一田兩賦計畝算遑恤閭左朝無殮
一朝丈量 詔書下奏記上官叩 九閭至今泗人口
碑在活我婦子釋戴盆當時牧民者誰子媿嬰坐視徒
聲吞從來行道必有福不于其身于後昆公餘下帷課
子舍亭亭玉立皆瑤琨五郎標格更絕俗執卷維誦無
晨昏誰與傳神在阿堵鬚眉彷彿清而溫少陵熟食示
宗武康成禮堂傳益恩惜哉祿養生未及展圖涕淚空
餘瘡生晚恨不識公面得交公子猶弟舅忍饑讀經亦
有志廢棄自歎古井晉願從太史乞家法五世教授眾

所尊只愁里中兒瞧讓那不贏金遺子孫

獐酒詩爲查甸叔太守賦

三年粵西賢太守意苴明珠百無有獐人遮道送公歸
各各獻以一盛酒金臺召客勸客嘗色黝而黑甘且香
好添南徼虞衡志滿酌青州從事觴

題張右丞秋原放牛遺像

華陽真逸自畫牛一絡其首一脫繯楊岐禪宿靜者流
升堂羨渠得自由斯圖寓意其然不一翁方瞳裏白頭
忘機兀坐與天游秋林深處睡夷猶烏犍神駿如驕驍
縱之平坡俾小休中青本白厥角抹自飲自甌鳴聲牟

文犧被繡非我儔底須叩角爲商謳
天空野闊任所投善刀而藏可自謀
從茲不化穿鼻羞翁今已去其神畱
披圖彷彿瞻前修湛然心跡不繫舟
此意得之蒙莊周
題陶吾廬前輩歸來館圖

先生蚤賦歸來山中日永循南陔
前身靖節只君是卜宅仍在匡廬隈
羲皇之上有歲月顏謝以降無人材
偶偕素心析疑義要使俗學除陳荑
文孫指點手澤在清風彷彿無塵埃
小同能承北海學不須問道求宗雷
平確齋自臨川令被薦入覲賦詩奉柬

幾載參商歎隔塵京華會合倍情親
天涯聚散憐同調

海內循良見古人廉吏可爲從所好素心相對得其真
寒窗小集團團話鴻爪賸泥認宿因

豫章南去數郵程撫字心勞得頌聲雖利終能脫穎出
泉流只侶在山清薦書共道公評在異政知因儒術成
宗派西江兼領袖吏才元不掩詩名

紉書東觀話當年舊雨常懷平澹然木以不材空號散
鶴誠善舞未妨僊要知菽粟功堪濟終勝俳優格取妍
計日朱轡開五馬姓名題處紫薇天

送商寶意太守之官雲南

十年遺愛粵西甯萬里天南又壯游詩句好題金馬嶂

心期依舊玉壺秋單車按部人歌德隻手安蠻帝偕
籌不負衝寒輕叱馭滇山奇秀甲神州

乾隆二十八年起居注書成詣 乾清門入奏

恭紀六首

是日雪

時政年年注 起居編成常屆歲將除尋常卷帙休相
擬此是人閒第一書

紀月編年例發凡卷分廿四祕瑤函

每月分上二冊

一言一

動無虛美特許詞臣手自緘

起居注書成例由本衙門奏聞卽緘封送內閣滿本

堂庫收貯不進呈 細覽

元日千官賀 紫宸歲除曲宴酒三巡四時典禮從頭

紀一統于今百廿春順治元年甲申世祖章皇帝

百有二
十年矣

跋尾千言綴後頭輕塵足獄露添流清班久占慚何分

四度書中姓氏畱卷末跋語起居注官例得列名巖

未甲申以充起居注官皆得綴姓名卷末起居注官癸

平明啟事入乾清一隊僊班禮服是日例中貴向前

相指點玉皇案吏奏書成

鉅海光搖六出駢僊居處處是瓊田呵融雪水濡新翰

夏紀明年大有年

送周稚圭同年觀察粵西

酌君椒花酒聽唱騷駒詞春風一六六千里壯游持節
灘江湄十載情親比骨肉如苔同岑鳥共枝曲江列讌
午試馬瀛洲分席晝課詩僂指同館卅餘輩聚散落落
晨星微素心晨夕我與爾臭味投合無筵池前年天
子試館職如椽巨筆濡淋漓瑤臺月明鸞鶴響坐令笙
磬皆凡卑才人例具用世畧特簡侍從充監司文章
經濟本一揆名位輕重由人爲新正錄別遽分袂露輶
直指天南陲計程西江歷南楚沅湘交會連浯谿衡山
石廩可落手起看雲海鋪琉璃粵西山水更殊絕一峯
獨秀卓筆錐七星巖迴捫列宿西湖波澹澈清漪戟門

晴暇鈴索永按部排日披幽奇磨厓處處識歲月妙跡
何減焦黃碑宦游如此良不俗那戀班直趨蛾眉雪中
鴻爪皆前定兩萍會合必有期南魚北鴈報無恙庶幾
一慰長相思

門神

蚤春佳氣正充閭枹笏僊曹一例除刻畫從人爲活計
推敲無地得安居彈冠卽是當樞日冷脰相看對面初
故紙堆中堪送老功成不退待何如

火判

誰言官到判司卑鐘市元宵得令時炙手盡知騰上速

攻心卻以架空奇電光石火爭些子鳳髓龍筋炫阿誰
捫腹此中何所有因人作熱亦憐伊

題曹檀濬先生柳汀觀稼圖

廿年前侍春風座負郭無田居轆轤食硯何曾飽糜粥
叩門鑿免催租課此時只羨多牛翁碌碌登場飯黃稌
旁人拍手競揶揄矮屋頭低氣不挫一經遺後計未失
厥父載菑子官播掌上珠元照乘明庭前槐已參天大
紫泥封誥下九霄里郇聚觀牛酒賀人情轉眼改菑枯
先生付之一笑歌卻寫江鄉觀稼圖綠楊流水圍邨曠
黃梅雨足瀉淙淙三寸新秧始分科水田營營如掌平

主伯亞旅來相佐立苗欲稀兼欲勻縱橫成列無偏頗
方阜堅好幸其然鹵莽滅裂報將柰秧歌信口無宮商
前者一唱後者和先生科頭搖羽扇閒看二農泥沒髀
齊人要術書可續石湖櫟興詩能化頗欣南畝亦懷新
未戀北窗但高臥買田異日恐虛譚望歲庶慰民勞瘁
伊予上世本力耕竊祿官倉良已過回首鄉園顧浦西
四體不勤計何左陶潛歸田吾欲云樊須學稼公毋阿
從游應許老門生倘昇籃輿備一个

潛研堂詩集卷七

門人黃鍾校字

潛研堂詩集卷七

六